



Qasigianguit, 4. august 2015

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

Naalakkersuisunut apeqqutit:

- 1. Kommunit ilusissaannik allannguisinnaanermut nutaamut suliareqqusamut Naalakkersuisut piffissaliussaas qanoq isikkoqarpa?**
- 2. Suliareqqusami kikkut akuutinneqassappat (kommunit ilusissaannik allannguinissamut nutaamut), qanorlu?**
- 3. Kommunit iluserisinnaasaannut nutaamut annertuumik tapersersorneqarnissaanut Naalakkersuisut qanoq pingaartitsitigaat, tamatumalu angunissaa tigussaasumik qanoq qulakkeerniarneqarpa?**
- 4. Kommunit suliasaqarfinni aalajangersimasuni namminersulernerunissaat eqqarsaatigalugu kommunit mikivallaalersinnaanerannut Naalakkersuisut uloriasuuteqarpat? Aappiuppat, taava tassani Naalakkersuisut qanoq eqqarsaatersuuteqarpat?**
- 5. Kommunit innuttaqassutsikkut, illoqarfiit/nunaqarfiillu amerlassusiisigut qanoq mikitigisinnaanerannik Naalakkersuisut isumaqarpat?**
- 6. Kommunit nutaamik aggulunneqassappata uuttuutit kriteerillu Naalakkersuisuniit atuutsinneqassappat? Kommuniunissamut piumasaqaatit qanoq ittut eqquutsinneqarsimassappat?**
- 7. Aalisarnermiit akileraarutitigut isertitat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommuninullu agguataarlugit?**
- 8. Aalisarnermiit suliffiit amerlassusaat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommunenullu agguataarlugit?**
- 9. Aalisarnermiit akitsuutitigut isertitat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommunenullu agguataarlugit?**
- 10. Namminersorlutik Oqartussanit, Ingerlatsivinni namminersorlutik oqartussanit pigineqartunit kiisalu naalagaaffinni atorfilinnit akissarsiaqartut akileraarutaat nunap immikkoortuinut qanoq agguataarsimappat, kommunit nunattalu karsiinut agguataarlugit?**
- 11. Namminersorlutik Oqartussani, ingerlatseqatigiiffinni namminersorlutik oqartussanit pigineqartuni kiisalu naalagaaffinni atorfiit qanoq agguataarsimappat, nunap immikkoortuinut, illoqarfinnut, nunaqarfinnut kiisalu kommuninut agguataarlugit?**
- 12. Kommunit kattunneqanngikkallarmata kommunit sorliit nakkutigineqarpat?**
- 13. Kommunit kattunneqanngikkallarmata kommunit sorliit avataaniit aqunneqarpat?**

(Inatsisartuni ilaasortaq Sara Olsvig, Inuit Ataqatigiit)

Tunngavilersuut:

12. juni Naalakkersuisut nalunaarput maanna "2018-imut kommuninut naligiissaarineq inissinneqartoq" (http://naalakkersuisut.gl/da/Naalakkersuisut/Nyheder/2015/06/120615roudli_gning-anda-u). Aalajangiunneqarpoq ukiut pingasut tulliuuttut aalaakkaasumik ilusiliinissamut atorineqassasoq. Tamattali 'inissiineq' tamanna killeqariaannaasoq nalugunanngilarput. Ukua suliarinissaanni annertuumik suliaasaqarpugut 1) naligiissarineramik tamarmik naapertuutsitaannik iluarisaannillu qulakkeerinninnissaq, 2) innuttaasut, inuussutissarsiutit minnerunngitsumillu nunatta aningaasaqarneranik aalaakkaasumik siunissaqartitsinissaq qulakkeerniarlugu kommunit siunissaannut tunngasutigut aalajangiussinissat.

Inuit Ataqatigiit tungaanniit ukiuni kingullerni naligiissarinermi aalajangiussat, paasissutissanik pertujaatsunik amigaateqartut, attanneqarsinnaannginnerinik Naalakkersuisut isumaqatigimmatigut nuannaarutigaarput. Uaguttaaq naligiissarinermi aqqissuussamik atasussamik, paasiuminartumik, tunngavilersugaalluartumik naapertuuttumillu kissaateqarpugut.

Aaqqiissutissamilli atasussamik aaqqiinissatsinnut ukiorpassuit ingerlasinnaanerat isumakuluu-tigaarput. Paasissutissanik tunngavigineqarluarsinnaasunik qulakkeerinninnissaq sivisusinnaamat akuersaarparput. Taamaattorli suliap aammaartumik kinguarsarneqannginnissaanik qulakkeerinninnissaq inuiaqatigiit aammattaaq soqutigisarivaat. Taamaattumillu maluginiarparput Naalakkersuisut naligiissarineramik apequtip kinguartinneqarnissaanut peqatigitillugu oqaatigimmassuttaaq siunissami kommunit qanoq aqqissuussaanaissaa nalorninartoqarnera pissutigalugu naligiissarinermik aqqissuussaaneq qanoq ittuussanersoq sulii nalornissutigimmassuk.

Siunissami kommunit aqqissuussaanaissat naligiissarinerlu imminnut atammata nalorninaappoq, tassami siunissami kommunit qassit kommuninit aningaasarissaarnerusunit qulakkeerneqartassappat, kommunillu nutaat minnerit isertitatigut tunngavigineqartut allanngorpata qanoq ilillutik peqqissumik nukittuumillu aningaasaqaannassappat.

Aaqqiinissaq pingaaruteqaqisoq annertoorlu ornipparput. Aaqqiineq kommunit aqqissugaanerisa allannguutaattulli nunatta siunissaanut apeqqutaasussa. Taamaattumik suliaasaq ammasumik sukumiisumillu ingerlanneqartariaqarpoq, kommunit tamarmik, Inatsisartut innuttaasullu peqataaffigisaattut.

Naalakkersuisut oqaatigisatik nalorninartortullit ilumut isumagippatigit, taava kommunita siunissaannut ataatsimut aalajangiinissatsinnut peqataatitsinissamut ersarissumik pilersaaruteqartariaqarput.

Ukiut kingulliunerusut kommunit akornanni ajortisaarunnermut avissaartuunnermullu atorineqarsimapput. Naalakkersuisut ersarissuliortariaqalerput tamarmillu peqataaffigisinnasaannik suliasamik aallartitsillutik, suliamut kinguarsaataaqqinngitsumik. Tamanna innuttaasut aningaasaqarnittalu pisariaqartippaat.

Taamaattumillu kommunit nutaamik aggulunneqassappata aalajangiinissanut piffissalersuummik takusaqarusuppugut. Aamma naligiissarinermi aqqissukkamut nutaamut atasussamullu kommunit assigiinngitsut paasissutissatut tunngavissatut taakkartugaasut uuttuutissanut tunngasut annertunerusumik paasisaqarfigerusuppugut.

Allannguissutsimut oqaloqatigiinnermullu piffissanngorpoq.

Inuit Ataqatigiinniit pisaq pillugu kinguneqartussamik oqaloqatigiinnissamut piareersimavugut. Kommunit sisamaasut tamarmik assigiimmik pineqarlutillu tusarnaarneqarnissaannut suliap ingerlanneqarnissaanik kissaateqarpugut, inernalu tamarmik peqataaffigisinnaasariaqarpaat. Allatut oqaatigalugu. Apeqqummi uani amerlanerussuteqartut aalajangiinissaat naammanngilaq. Tamat isumaqatigiittuunissaat anguniagaasariaqarpoq. Suliap tamatuma ajornaatsuunnginnera paasisimavarput, taamaattorli pisariaqartuusoq isumaqarpugut.

Ullut suliffiusut qulit iluanni apeqqutima akineqarnissaat kissaatigaara.